

ЧИНГЭЛТЭЙ ДҮҮРГИЙН ЗАСАГ ДАРГЫН 2016-2020 ОНЫ ҮЙЛ АЖИЛЛАГААНЫ ХӨТӨЛБӨР

Чингэлтэй дүүрэг нь иргэдээ дээдэлж, эдийн засгийн өсөлт өөд тэмүүлсэн, эрүүл аюулгүй амьдралын баталгааг хангаж, тогтвортой хөгжлийн үзэл баримтлалд суурилсан ИРЭЭДҮЙ НЬ ГЭРЭЛТЭЙ - ИРГЭД НЬ ЖАРГАЛТАЙ дүүрэг байна.

Үйл ажиллагааны үндсэн ЗОРИЛТУУД:

- ЖАРГАЛТАЙ АМЬДРАЛ-НИЙГМИЙН ХӨГЖИЛ
- ЖАРГАЛТАЙ ИРЭЭДҮЙ-ЭДИЙН ЗАСГИЙН ХӨГЖИЛ
- ЖИШИГ ТӨЛӨВЛӨЛТ-ДЭД БҮТЦИЙН ХӨГЖИЛ
- ЖАРГАЛТАЙ ОРЧИН-НОГООН ХӨГЖИЛ
- ЖАРГАЛТАЙ ИРГЭН-НУТГИЙН УДИРДЛАГЫН ХӨГЖИЛ

1. ЖАРГАЛТАЙ АМЬДРАЛ-НИЙГМИЙН ХӨГЖИЛ

Хүн амд үзүүлэх эрүүл мэндийн тусламж үйлчилгээний чанар хүртээмжийг дээшлүүлж, иргэн бүрт хүртээмжтэй, чанартай боловсрол, соёлын үйлчилгээний таатай орчинг бүрдүүлж, нийгмийн халамж, хамгаалал шаардлагатай иргэдэд төрийн үйлчилгээг түргэн шуурхай хүргэнэ.

1.1 ЭРҮҮЛ МЭНД, СПОРТ

1.1.1 Нийгмийн эрүүл мэндийг сайжруулах, эрүүл мэндийн тусламж үйлчилгээг чанаржуулах, иргэний бүртгэл мэдээллийн технологийг боловсронгуй болгох “Эрүүл мэнд 2020” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

1.1.2 Дүүргийн хэрэгцээ шаардлагад тулгуурлан Хүүхдийн эмнэлэг, Яаралтай түргэн тусламжийн төв, Амбулатори-2-ийн барилгыг барихад хамтран ажиллана.

1.1.3 Иргэдийн эрүүл мэндийн боловсролыг дээшлүүлэхэд чиглэсэн олон талт үйл ажиллагааг зохион байгуулна.

1.1.4 Нийтийн биеийн тамирыг хөгжүүлэн, хүн амын бие бялдрыг чийрэгжүүлэх олон төрөлт уралдаан тэмцээн зохион байгуулна.

1.1.5 Дүүргийн Засаг даргын дэргэдэх Өсвөрийн шигшээ багийн үйл ажиллагааг өргөжүүлж, бэлтгэл сургуулилыг тогтмолжуулан, залуучуудын Шигшээ багийг хөгжүүлнэ.

1.1.6 Дүүрэгт баригдаж буй 1000 хүний суудалтай спорт цогцолбор, 61 дүгээр сургуулийн спорт заалны ажлыг дуусгаж, ашиглалтад оруулна.

1.2 БОЛОВСРОЛ, СОЁЛ

1.2.1 Шинээр сургууль, цэцэрлэг барих, өргөтгөх замаар цэцэрлэгийн хамран сургалтыг нэмэгдүүлэх, сургуулийн анги дүүргэлтийг стандарт түвшинд хүргэх “Жаргалтай үрс” төслийг хэрэгжүүлнэ.

1.2.2 Төрөөс боловсролын талаар баримтлах бодлого чиглэлийг орон нутгийн онцлогт тохируулан хэрэгжүүлэх “Чингэлтэйн боловсрол” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

1.2.3 Орон нутгийн хэрэгцээ шаардлагатай уялдуулан дүүргийн нутаг дэвсгэрт Соёлын ордон байгуулж, соёлын төвийн үйл ажиллагааг дэмжинэ.

1.2.4 Иргэдийн хөгжлийг бүх талаар дэмжсэн "Хотын иргэн-хотын соёл" хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

1.2.5 Залуучууд, өсвөр үеийн хэрэгцээ шаардлагад нийцүүлэн "Хөгжлийн төв" байгуулж, олон талт үйл ажиллагаа явуулна.

1.3 НИЙГМИЙН ХАЛАМЖ, ХАМГААЛАЛ

1.3.1 Ахмадын амралт, сувиллын үйл ажиллагааг дэмжин ажиллаж, төсөл хөтөлбөрийн хүрээнд "Ахмадын асаргаа сувилгаа"-ны төвийн барилгын ажлыг эхлүүлнэ.

1.3.2 Хөгжлийн бэрхшээлтэй иргэдийн нийгмийн амьдралд оролцох боломжийг бүрдүүлэхэд анхаарч барилга байгууламж, зам талбайн стандартыг хангуулна.

1.3.3 Нийгмийн халамжийн тухай хуулийн хэрэгжилтийг ханган ажиллаж, нийгмийн халамж үйлчилгээний чанар хүртээмжийг сайжруулна.

1.3.4 Хүн амын хөгжлийг дэмжсэн гэр бүлд зөвлөн туслах, зорилтод бүлэг рүү чиглэсэн халамж үйлчилгээг дэмжсэн төслүүдийг хэрэгжүүлнэ.

1.3.5 Хүүхдийн эрхийг хамгаалах, нийгмийн амьдралд идэвхтэй оролцох, оюун ухаан авъяас билэг, бие бялдар, ур чадварыг нь хөгжүүлэхэд чиглэсэн "Жаргалтай гэр бүл" хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

ХҮРЭХ ҮР ДҮН:

- Хүн амын эрүүл мэндийн эрэлт хэрэгцээнд нийцсэн жигд, хүртээмжтэй тусламж үйлчилгээнд хүрсэн байна.
- Сургууль, цэцэрлэгийн хүртээмж сайжирч, сургуулийн болон сургуулийн өмнөх боловсролд хамрагдалт нэмэгдэж, анги дүүргэлт стандарт түвшинд хүрсэн байна.
- Сургууль, цэцэрлэгийн бүсэд хүүхдэд ээлтэй, эрүүл, аюулгүй орчин бүрдэнэ.
- Иргэдийн нийтийн соёл, боловсролын түвшин дээшилсэн байна.
- Иргэд нийтийн биеийн тамир спортоор хичээллэх, бэлтгэл сургуулилт хийх таатай орчин нөхцөл бүрдсэн байна.
- Зорилтот бүлгийн иргэдийг нийгмийн суурь үйлчилгээнд бүрэн хамруулсан байна.

2. ЖАРГАЛТАЙ ИРЭЭДҮЙ-ЭДИЙН ЗАСГИЙН ХӨГЖИЛ

Санхүүгийн сахилга бат, ил тод байдал, хэмнэлтийн зарчмыг салбар бүрт нэвтрүүлэн, гадаад харилцаа, олон улсын хамтын ажиллагааг хөгжүүлэн гадаадын хөрөнгө оруулалтыг нэмэгдүүлж, иргэдийн бизнес эрхлэх таатай орчинг бүрдүүлэн, эдийн засгийн өсөлтийг дэмжинэ.

2.1 ЭДИЙН ЗАСАГ

2.1.1 Монгол Улсын төсөв санхүүгийн талаарх хууль тогтоомжийг хэрэгжүүлэх ажлын хүрээнд дүүргийн төсвийн тэнцвэрт байдал, эдийн засгийн бие даасан байдлыг бэхжүүлэн, нутгийн захиргааны байгууллагаас дэвшүүлсэн зорилтыг хэрэгжүүлэхэд шаардагдах хөрөнгө санхүүгийн нөөц бүрдүүлэн ажиллана.

2.1.2 Дүүргийн өмч хөрөнгийн ашиглалтын менежментийг сайжруулан үр ашгийг нэмэгдүүлнэ.

2.1.3 Дүүргийн гадаад харилцаа, хамтын ажиллагааг өргөжүүлэн гадаад орнуудын сайн туршлагыг нэвтрүүлж, хөрөнгө оруулалтыг нэмэгдүүлнэ.

2.1.4 Төрийн болон орон нутгийн өмчийн хөрөнгөөр хэрэгжүүлэх төсөл, арга хэмжээний худалдан авах үйл ажиллагааг олон нийтэд ил тод болгож, “Шилэн тендер шалгаруулалт” бодлого хэрэгжүүлэн, сонгон шалгаруулалтын ил тод байдал, иргэд олон нийтийн оролцоог хангана.

2.1.5 Нийгмийн даатгалын тухай хуулийн хэрэгжилтийг хангах хүрээнд хүн амд нийгмийн даатгалын үйлчилгээг хөнгөн шуурхай хүргэж, даатгалд хамрагдалтыг нэмэгдүүлнэ.

2.1.6 Статистикийн тоон мэдээллийн хэрэглээ, ашиглалтыг сайжруулж, үнэн зөв байдлыг ханган мэдээ судалгааны хамрах хүрээг өргөжүүлнэ.

2.1.7 Монгол Улсын Татварын тухай болон бусад хууль тогтоомжийн хэрэгжилтийг ханган, татварын өр барагдуулалтыг стандартад хүргэж, татвар төлөгчдөд үзүүлэх үйлчилгээ, татварын бааз суурийг өргөтгөнө.

2.2 ХӨДӨЛМӨР ЭРХЛЭЛТ

2.2.1 Дотоодын ажиллах хүчний нөөцийг үр дүнтэй ашиглаж, хөдөлмөрийн зах зээлийн эрэлтэд нийцүүлэн жилд 2000-аас доошгүй мэргэжилтэй ажилчдыг сургаж, хөдөлмөрийн насны иргэдийг ажлын байраар хангана.

2.2.2 Хөгжлийн бэрхшээлтэй иргэдийн хөдөлмөрийн зах зээлд тэгш оролцох боломжийг бүрдүүлж, иргэдийн хөдөлмөр эрхлэлт, орлогыг нь нэмэгдүүлэхэд чиглэсэн олон талт ажлуудыг зохион байгуулж хэрэгжүүлнэ.

2.2.3 Ахмад настны хөдөлмөр эрхлэлтийг дэмжин, ахмад мэргэжилтний зөвлөх үйлчилгээний “Чингэлтэй” сүлжээг өргөжүүлэн, залуу ахмад үеийн залгамж холбоог бэхжүүлнэ.

2.2.4 Иргэдийн амьжиргааны түвшинг дээшлүүлж, ажлын байрыг нэмэгдүүлэхэд чиглэсэн “Хамтдаа хөгжье” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

2.3 ЖИЖИГ ДУНД ҮЙЛДВЭРЛЭЛ

2.3.1 Жижиг дунд үйлдвэрлэлийг дэмжих “Чингэлтэйд үйлдвэрлэв” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

2.3.2 Жижиг, дунд үйлдвэр, хоршооны салбарт урт хугацаат хөрөнгө оруулалтын болон санхүү, зээлийн уян хатан бодлогыг хэрэгжүүлж, ажлын байрыг нэмэгдүүлнэ.

2.3.3 Бизнес инкубатор төвийг бүсчилсэн хэлбэрээр нэмж байгуулна.

2.3.4 Үйлдвэрлэл, үйлчилгээнд шинэ технологи нэвтрүүлэх, оюуны багтаамжтай үйлдвэрлэлийг голлосон инновацийг нэвтрүүлнэ.

2.4 ХҮНСНИЙ АЮУЛГҮЙ БАЙДАЛ, ХӨДӨЛМӨР ХАМГААЛАЛ

2.4.1 Хүн амыг эрүүл, баталгаатай хүнсээр хангах зорилтын хүрээнд хэрэглэгчдийн хүнсний талаарх боловсролын түвшинг дээшлүүлэх олон талт ажлыг зохион байгуулна.

2.4.2 Худалдаа үйлчилгээний салбаруудад тавигдах стандартын хэрэгжилтийг ахисан түвшинд хүргэх зорилгоор мэргэжлийн байгууллагуудтай хамтран мэдээлэл, мэргэжил арга зүйн удирдлагаар хангаж ажиллана.

2.4.3 Иргэдийг чанартай, экологийн цэвэр бүтээгдэхүүн, хүнсний ногоогоор хангах нөхцлийг бүрдүүлж, газар тариалан эрхлэгчдийг бараа бүтээгдэхүүнээ борлуулахад нь дэмжлэг үзүүлнэ.

2.4.4 Ахуй үйлчилгээний төвлөрсөн бичил төв байгуулах иргэд, хувийн хэвшлийн хөрөнгө оруулалт, санал санаачилгыг дэмжинэ.

ХҮРЭХ ҮР ДҮН:

- Дүүргийн төсвийн орлого, зарлагын төлөвлөлтийг сайжруулан, орлогын бааз суурийг нэмэгдүүлснээр орон нутгийн төсвийн бие даасан байдал бэхжиж, хөрөнгө санхүүгийн нөөц бүрдэнэ.
- Мэргэжилтэй ажиллах хүчний тоо тодорхой хувиар нэмэгдсэн байна.
- Жижиг дунд үйлдвэрлэл эрхлэгчдийг дэмжин, өрх бүр орлогын тогтвортой эх үүсвэртэй болох нөхцөл бүрдсэн байна.
- Бизнес инкубатор төв, явуулын ажлыг байруудыг нэмэгдүүлж, иргэдийн хөдөлмөр эрхлэлтийг дэмжсэнээр өрхийн орлого нэмэгдсэн байна.
- Худалдаа үйлчилгээний байгууллагуудын хүчин чадал, материаллаг бааз бэхжин, стандартын хэрэгжилт ахисан түвшинд хүрсэн байна.

3. ЖИШИГ ТӨЛӨВЛӨЛТ-ДЭД БҮТЦИЙН ХӨГЖИЛ

Төрөөс баримтлах бодлогод тулгуурласан дэд бүтэц, газар зохион байгуулалтын жишиг төлөвлөлтийг бий болгож, иргэдийнхээ эрүүл, жаргалтай амьдрах таатай орчинг бүрдүүлнэ.

3.1 ХОТ БАЙГУУЛАЛТ, ГАЗРЫН ХАРИЛЦАА

3.1.1 Улс, нийслэл, дүүргийн эдийн засаг, нийгмийн хөгжлийн чиг хандлагад нийцүүлэн дүүргийн “Газар зохион байгуулалтын төлөвлөгөө”-г жил бүр тодотгон хэрэгжүүлнэ.

3.1.2 Иргэдэд газар эзэмшүүлэх, өмчлүүлэх болон газраа эдийн засгийн эргэлтэд оруулах санал санаачилгыг дэмжин, газрын харилцаатай холбоотой мэдээллийг нээлттэй ил тод болгоно.

3.1.3 Дүүргийн нутаг дэвсгэрт тохилог орон сууц, амины орон сууц барих төсөл хэрэгжүүлэгчдийг дэмжин ажиллаж, дэд бүтэц, инженерийн шугам сүлжээнд холбогдсон тохилог сууцнуудыг бий болгоно.

3.1.4 Олон жил болсон орон сууцны байрнуудын дулаан алдагдлыг бууруулах ажлыг үргэлжлүүлэн хийнэ.

3.1.5 Нийтийн эзэмшлийн гудамж зам талбай, орон сууц гэр хорооллын гэрэлтүүлэг, камержуулалтыг шинээр нэмэгдүүлж, нэгдсэн удирдлага-хяналтын системд холбоно.

3.2 ХОТ ТОХИЖИЛТ, ДЭД БҮТЭЦ

3.2.1 Зам, замын байгууламжийн оновчтой төлөвлөлтийг хэрэгжүүлж, асфальт, бетонон болон байгалийн чулуун замуудаар гэр хорооллын гол гудамжуудыг төв замтай холбож, олон чиглэлийн зам харилцааг хөгжүүлнэ.

3.2.2 Сэлбэ дэд төвийн төслийг үргэлжлүүлэн хийж, дуусгахад хамтран ажиллана.

3.2.3 Хүчдэлийн уналттай болон гэрэл цахилгаангүй бүх өрхийг цахилгаан эрчим хүчээр хангах ажлыг үе шаттай хийнэ.

3.2.4 Гэр хороодын гуу жалга бүхий газруудад явган шат, гүүр, ус түгээх байр барьж, иргэдийн амьдрах орчныг сайжруулна.

3.2.5 Иргэдийн эрэлтэд нийцсэн нийтийн тээврийн шинэ чиглэл бий болгох ажлыг дэмжин хамтран ажиллана.

ХҮРЭХ ҮР ДҮН:

- Дахин төлөвлөлтийн ажлыг эрчимжүүлж, жишиг төлөвлөлттэй, иргэдийн амьдрах таатай орчин бүрдүүлсэн байна.
- Гэр хорооллын авто замын сүлжээ бий болж, туслах замуудын ачаалал буурч түгжрэл саармагжина.
- Инженерийн шугам сүлжээнд холбогдсон тохилог амины орон сууцууд бий болсон байна.

4. ЖАРГАЛТАЙ ОРЧИН-НОГООН ХӨГЖИЛ

Байгальд ээлтэй шинэ технологи, бараа бүтээгдэхүүн, шинэлэг санал, санаачилгыг нэвтрүүлж, иргэд нь эрүүл чийрэг, хүрээлэн буй орчин нь цэвэр цэмцгэр Ногоон хөгжилд суурилсан дүүргийг бий болгоно.

4.1 БАЙГАЛЬ ОРЧИН

4.1.1 Ногоон хөгжлийг дэмжих замаар “Ногоон дүүрэг” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

4.1.2 Аялал жуулчлал, амралт зугаалга, олон нийтийн арга хэмжээ зохион байгуулах спортын задгай талбай бүхий Олимп хотхоныг байгуулна.

4.1.3 Ногоон байгууламж, тохижилт бүхий “Эрдмийн цэцэрлэгт хүрээлэн” байгуулна.

4.2 ХОГ ХАЯГДАЛ, АГААР, ХӨРСНИЙ БОХИРДОЛ

4.2.1 Хог хаягдлын менежментийг сайжруулж, тээвэрлэх, ангилах, боловсруулах, худалдан авах цогц менежментийг үе шаттай хэрэгжүүлнэ.

4.2.2 Агаар, хөрсний бохирдлыг бууруулах цогц арга хэмжээг хэрэгжүүлнэ.

ХҮРЭХ ҮР ДҮН:

- Байгальд ээлтэй эко санал, санаачлагыг дэмжсэнээр агаар, хөрс, усны бохирдол буурна.
- Ногоон хөгжлийг бүх талаар дэмжиж, ногоон байгууламжуудыг олноор бий болгосноор иргэдийн амьдрах таатай орчин бүрдсэн байна.

5. ЖАРГАЛТАЙ ИРГЭН-НУТГИЙН УДИРДЛАГЫН ХӨГЖИЛ

Дүүргийн нутгийн захиргааны байгууллагуудаас үзүүлж буй төрийн үйлчилгээнд шинэ менежмент нэвтрүүлэх, мэдээллийн технологийн ухаалаг шийдлүүдийг ашиглах, төрийн үйлчилгээг иргэдэд шуурхай, тэгш, нээлттэй хүргэнэ.

5.1 НУТГИЙН УДИРДЛАГА

5.1.1 Төрийн албан хаагчдын ажлын үр дүн, хариуцлага тооцох системийг оновчтой хэрэгжүүлж, тэдний ажиллах таатай орчинг бүрдүүлэх, нийгмийн баталгааг хангах зорилгоор дүүргийн “Хүний нөөц, нийгмийн баталгааг хангах” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

5.1.2 Нутгийн захиргааны байгууллагын нээлттэй, ил тод байдлыг ханган төрийн үйлчилгээг цахим хэлбэрт үе шаттайгаар шилжүүлнэ.

5.1.3 Дүүргийн нэгдсэн сүлжээний ашиглалтын хүрээнд барилгажсан хэсэгт агаарын кабелийг үе шаттайгаар сувагчлалд шилжүүлэн сүлжээний найдвартай ажиллагааг бүрэн хангана.

5.1.4 Захын болон алслагдсан гэр хороололд утасгүй Wi-Fi үйлчилгээг нэвтрүүлнэ.

5.1.5 Мэргэжлийн хяналтын байгууллагын үйл ажиллагааг эрчимжүүлж, зөрчил дутагдлыг шуурхай арилгадаг заавар зөвлөмжийг тогтмол өгдөг тогтолцоонд шилжүүлнэ.

5.1.6 Улсын бүртгэлийн үйл ажиллагааг онлайн горимд шилжүүлж, үндэсний цахим баримт бичгийн хэрэглээг нэмэгдүүлнэ.

5.1.7 Гэр хорооллын гудамжны хаягжилтыг эрэмбэ дараатай цэгцлэн, иргэний бүртгэлийн хаягийн зөрчил давхардлыг арилгана.

5.1.8 Батлан хамгаалах хууль тогтоомжийг иргэд, аж ахуйн нэгж байгууллагуудад сурталчлан таниулж, хэрэгжилтийг хангуулан ажиллана.

5.1.9 Дайчилгааны бэлэн байдлын төлөвлөлт, удирдлагын нэгдмэл байдлыг ханган ажиллана.

5.2 ГЭМТ ХЭРЭГ, ГАМШИГ ОСЛООС УРЬДЧИЛАН СЭРГИЙЛЭХ

5.2.1 Гэмт хэргээс урьдчилан сэргийлэх олон талт арга хэмжээг зохион байгуулж, үйлдэгдэж буй гэмт хэрэг, захиргааны зөрчлийг бууруулна.

5.2.2 Тусгай мэргэжлийн байгууллагуудын албан хаагчдын ажиллах орчин нөхцөл, аюулгүй байдлыг бүрдүүлж, шаардлагатай техник хэрэгслээр хангана.

5.2.3 Замын хөдөлгөөний зохицуулалтыг оновчтой болгож, зам тээврийн осол, хэргийн гаралтыг бууруулна.

5.2.4 Дүүргийн гамшигтай тэмцэх чадавхыг бэхжүүлнэ.

5.2.5 Дүүргийн нутаг дэвсгэрт “Гамшиг осол, гал түймрээс урьдчилан сэргийлэх” хөтөлбөрийг дүүргийн Иргэдийн Төлөөлөгчдийн Хурлын Тэргүүлэгчдийн хурлаар батлуулан хэрэгжүүлнэ.

ХҮРЭХ ҮР ДҮН:

- Төрийн албан хаагчдын дархлааг бий болгосноор чадварлаг мэргэшсэн хүний нөөц бүрдсэн байна.
- Иргэдэд үзүүлэх төрийн үйлчилгээний чанар, хүртээмж сайжирч, иргэдийн төрийн үйлчилгээ авах эрх бүрэн хангагдсан байна.
- Нутгийн захиргааны байгууллагын бодлого, үйл ажиллагаа, хэрэгжилт, үр дүн бүх түвшинд нээлттэй, ил тод, хариуцлагатай болсон байна.
- Гэмт хэргийн гаралт буурч, илрүүлэлт нэмэгдэнэ.